

Da Kuckt der Churfürst in die Stadt/
 Zu haus! da er drin glegen hat/
 Haben da das Nachtmal gessen/
 Mit sampt dem Landgraffn zu Hessen/
 Auch der Marggraff Georg Friedrich/
 Vnd andre Fürsten graffen reich/
 Ich ging diesen Abendt zu Ruh/
 Dacht Morgn wilstu wider schawn zu.

Beschreibung des andern Schießtages.

Den Sechsvndzwanzigsten eben/
 Ehet ich mich wider erheben/
 Zuzuschawen weiter den dingn/
 Auff das ichs auff's Papir möchte bringn/
 Zogn die Prükschmeister widr vor an/
 Hienaus vff den bemelten Schiesplan/
 Die Trabanten zogn auch hernach/
 Aller ding wie zuuor geschach/
 Es hette gleich ein solche gstaldt/
 Es war hernach auch fertig baldt/
 Die Morgen Suppen war bereit/
 Es warn vorhanden schon die Leut/

Den